



Progèttu:

“DA LI STAZZI A LU MARI”

Finanziàtu da la Legghji 482 di lu 1999, alticculi 9 e 15 e Legghji Regionali 22 di lu 2018 – annualità 2021

CUMUNI DI LOIRI POLTU SANTU PAULU

Provincia di Sassari - Zona Omogenea di Tarranóa-Tèmpiu

ULDINANZIA DI LU SINDACU N. 1 DI LA DÌ 4 DI GHJINNAGGHJU DI LU 2022

Oggettu: ULDINANZIA DI REVOCA DI LI MANIFESTAZIÒNI IN DISSÌGNU ILLU CUMUNI DI LÓIRI POLTU SANTU PAULU ILLI CIURRÀTI 5 E 6 DI GHJINNÀGGHJU DI LU 2022, CHI S’AGÀTTANI INDRENTU A LA LOCANDINA "NATALI 2021"

L’annu **duemiliaevintidui**, la dì cattru di lu mesi di ghjinnàghju, lu SINDACU Franciscu Lai.

POSTU A INNANZI chi, pa’ li ciurràti di lu 5 e di lu 6 di ghjinnàghju di lu 2022 sò stati dissignati di l’evènti natalizi, olganizzati da l’Amministraziòni cumunali - Assessorati a la Cultura, Spettaculu, Turismu, Sport, Silvizi Sociali e Politichi Cioànili - e chi s’agàttani indrentu a la locandina “Natali 2021”.

CUNSIDARATU lu spricà di la situaziòni epidemiologica a livellu regionali e lu fattu chi si sia spaglièndi abbeddhu l’epidemia da COVID-19, soprattutto cun la nóa varianti Omicron;

VISTU lu decretu approvatu in sedi di Cunsigliu di li Ministri di la dì 14 di natali di lu 2021 chi faci sighi, finza a la dì 31 di malzu di lu 2022, lu statu d’emelgenza sanitaria;

RITINUTU pa’ tali muttì, cun lu scoppu di galdà, lu più pussibbili, lu salutu di li zittadini, di aé d’evità e/o limità l’ammuntonamenti di passòni chi podaràni faurì lu spaglisti di lu virus e il contagiu chi ni sighi;

VISTU l’alticculu 32 di la Legghji 833 di la dì 23 di natali di lu 1978 liàta a l’Istituziòni di lu Silvìziu Sanitariu Nazionali chi incumanda lu Sindacu, in galità di Autorità Sanitaria di lu lócu, cumpetenti pa’ bucà pruvvèghji pa’ galdà l’ambienti e lu salutu publicu;

VISTI l’alticculi 50 comma 5° e 54 comma 4° di lu Decretu Legislativu 267 di la dì 18 d’austu di lu 2000, Testu Unicu di li Legghji innantu a l’uldinamentu di l’Enti di lu Lócu chi diffini l’attribuziòni di lu Sindacu pa’ bucà pruvvèghji cuntungibili e di fa in pressa, illa só’ galità d’Autorità Sanitaria di lu lócu;

ULDINÌGGHJA

- la revoca di li manifestaziòni in dissìgno illu Cumuni di Lóiri Poltu Santu Paulu illi ciurràti 5 e 6 di ghjinnàghju di lu 2022, chi s’agàttani indrentu a la locandina “Natali 2021”;

DISPONI

- chi lu presenti pruvvedimentu venghia palisàtu pal mezu di pubblicazioni ill'albu pretoriu;
- la trasmissioni di lu mattèssi a l'Area Sociu-culturalu e a l'Area Vigilanzia pa' l'adempimènti a iddhu liàti.

Lettu e sottuscrittu sigundu la legghji.

LU SINDACU
Filmàtu Franciscu Lai

CILTIFFICATU DI PUBBLICAZIÒNI

Lu sottuscrittu Dutt. Ghjaseppa Serra,

visti l'atti d'ufficiu chi la presenti venarà affissa ill'Albu Pretoriu

Cumunali pa' 15 di infatt'appàru

da la dì 10 a la dì 25 di ghjinnàgghju di lu 2022

Lu Responsabili di lu Silvìziu
Filmàtu Dutt. Ghjaseppa Serra